

Visoki predstavnik pozdravlja operaciju kojom je izuzeta dokumentacija Hercegovacke banke

Rano jutros predstavnici Ureda Visokog predstavnika, uz jaku podršku SFOR-a, usli su u sjediste Hercegovacke banke u Mostaru i izuzeli dokumentaciju koju je zahtjevala privremena upraviteljica Toby Robinson.

Operacija je dobro planirana i efikasno provedena u djelo. Dok je SFOR osiguravao bezbjedno okruzenje, potrebna dokumentacija i trezori su obezbjedjeni. Nije bilo mijesanja sa strane.

Visoki predstavnik, Wolfgang Petritsch, pozdravlja uspjesnu akciju te zahvaljuje SFOR-u za pruzenu podršku. Zadovoljan je cinjenicom da ovom prilikom nije bilo pokušaja upotrebe nasilja protiv medjunarodnih službenika te da je izuzeta dodatna dokumentacija, koju će pregledati privremena upraviteljica. Međutim, sa zabrinutoscu je konstatovao da u banci nedostaju velike kolicine gotovine, koje su primjecene 6. aprila prilikom prvog pokušaja da se osiguraju dokumentacija i sredstva banke.

Sinoc izuzeti materijal, kao i dokumentacija izuzeta 6. aprila, sada se nalaze na raspolaganju privremene upraviteljice. Visoki predstavnik se nuda da će joj to biti dovoljno da stekne sliku o aktivi i pasivi ove banke, na osnovu cega će moci odgovoriti na zahtjeve njenih legitimnih komitenata.

Visoki predstavnik je svjestan cinjenice da postoji mogućnost da će privremenoj upraviteljici trebati duzi vremenski period da pregleda izuzeti materijal, buduci da je jedna stvar

ispitivati bankovne knjige u suradnji sa rukovodstvom i personalom odredjene institucije, koji upraviteljici brzo mogu dostaviti sve neophodne informacije, a sasvim druga stvar je sklapati mozaik bez icije pomoci. Stoga su za sva kasnjenja odgovorni oni koji odbijaju da suradjuju.

Sinocnja operacija predstavlja nastavak ranije zapocete istrage o Hercegovackoj banci. Prema informacijama koje OHR ima na raspolaganju, u posljednjih nekoliko sedmica poceo je nestajati novac iz Hercegovacke banke. K tomu, postoje sumnje o strukturi vlasnistva nad ovom bankom. U svrhu zastite legitimnih komitenata Hercegovacke banke, kao i da bi se osiguralo da se ova banka ne koristi za nezakonito financiranje paralelnih struktura, Visoki predstavnik je 5. aprila proglašio privremenu upravu nad ovom bankom.

Prioritet Privremene upraviteljice je da zastiti legitimne komitente banke. Njena nastojanja da propisno dodje do informacija u srednjem uredu banke i devet manjih filijala su 6. aprila naisla na organizirane napade tokom kojih je povrijedjeno preko 20 pripadnika medjunarodne zajednice. Tom prilikom iz srednjeg ureda Hercegovacke banke nije bilo moguce izuzeti dokumentaciju.

Nakon sto su suspendirano rukovodstvo i vlasnici Banke odbili poziv Privremene upraviteljice na sastanak i medjusobnu saradnju, OHR-u nije preostalo nista drugo nego da uz pomoc SFOR-a pokusa pribaviti dokumentaciju.

U nekoliko navrata osoblje OHR-a i SFOR-a koje je sudjelovalo u sinocnjoj operaciji bilo je primorano da koristi eksploziv kako bi omogucili pristup prostorijama i rezoru. Visoki predstavnik smatra da su za nanesene stete odgovorne one osobe koje su Privremenoj upraviteljici onemogucile slobodan pristup banci.

Visoki predstavnik ponovo apelira na sve javne ustanove, a narocito na kantone i opocene koje imaju racun kod Hercegovacke

banke da za sada otvore nove racune u drugim komercijalnim bankama. Oni su obavezni da osiguraju funkcioniranje javne uprave, uključujući i zdravstveni i socijalni sektor, u područjima pogodjenim situacijom vezanom za Hercegovacku banku.